

疆

邦

華

書




國朝

文獻

通考

卷一百一十五



賀方回詞卷第二

山陰 賀鑄 方回

木蘭花

嫣然何啻千金價。意遠態閒難入畫。更無方便只尊前。說盡牽情多少話。別來樂事經春罷。枉度佳春拋好夜。如今觸緒易銷魂。最是不堪風月下。

二

朝來著眼沙頭認。五兩竿搖風色順。佳期學取弄潮兒。人縱無情潮有信。紛紛花雨紅成陣。冷酒青梅寒食近。漫將江水比閒愁。水盡江頭愁不盡。減字木蘭花

春容秀潤二十四番花有信鸞鏡佳人得得濃妝樣
新情無遠近水闊山長分不盡一斷音塵淚眼前
只見春

二

閒情減舊無奈傷春能作瘦桂楫蘭舟幾送人歸我滯
留西門官柳滿把青青臨別手誰共登樓分取煙波
一段愁

三

南園清夜臨水朱闌垂柳下從坐蓮花漱豔觥船泛露
華酒闌歌罷雙口前愁東去也回想人家芳草平橋
一徑斜

四

多情多病萬斛閒愁量有賸一顧傾城惟覺尊前笑不成
採香幽徑好住東風誰主領多謝流鶯欲別頻啼四五聲

攤破木蘭花

南浦東風落暮潮被禊人歸相竝蘭橈回身昵語不勝嬌
猶礙華燈扇影頻搖重泛青翰頓寂寥魂斷高城手漫招
佳期應待鵲成橋爲問行雲誰伴朝朝

二

芳草裙腰一尺圍粉郎香潤輕灑薔薇爲嫌風日下樓稀
楊柳青陰深閉朱扉枉是尊前調玉徽彩鸞何事

逐雞飛楚臺賦客莫相違
留住行雲好待郎歸

南鄉子

秋半雨涼天望後清蟾未破圓
二十四橋游冶處留連
攜手嬌饒步步蓮
眉宇有餘妍
初破瓜時正妙年
玉局彈棋無限意纏綿
腸斷吳蠶兩處眠

二

柳岸艤蘭舟更結東山謝氏游
紅淚清歌催落景回頭
□出尊前一段愁
東水漫西流
誰道行雲肯駐留
無限鮮飆吹芷若汀洲
生羨鴛鴦得自由

臨江仙

暫假臨淮東道主
每逃歌舞華筵
經年未辦買山錢
筋

骸難強久坐沐猴禪
行擁一舟稱浪士五湖春水如
天越人相顧足嫣然何須繡被來伴擁蓑眠

羅敷歌

醜奴兒

東山未辦終焉計聊爾西來花苑平臺倦客登臨第幾
回連延複道通馳道十二門開車馬塵埃悵望江南
雪後梅

點絳脣

一幅霜綃麝煤熏膩紋絲縷掩妝無語的是銷凝處
薄暮蘭橈漾下蘋花渚風留住綠楊歸路燕子西飛去
南歌子

繡幙深朱戶熏鑪小象牀扶肩醉被冒明璫繡履可憐

分破兩鴛鴦 夢枕初回雨啼鈿半口妝一鉤新月渡
橫塘誰認淩波微步韞塵香

二

心蹙黃金縷梢垂白玉團孤芳不怕雪霜寒先向百花
頭上探春口 傍水添清韻橫牆露粉顏夜來和月起
凭闌認得暗香微度有無閒

小重山

一葉西風生嫩涼綵舟旗影動背斜陽溪流幾曲似回
腸高城遠今夜爲誰長 正節號清狂苧蘿標韻美倚
新妝月華歌調轉清商尊酒畔好住伴劉郎

清平樂

林皋葉脫樓下清江闊船裏琵琶金捍撥彈斷么絃再
抹夜潮洲渚生寒城頭星斗闌干忍話舊游新夢三
千里外長安

二

沈侯銷瘦八詠新題就惆悵酒醒兼夢後帶眼如何復
舊幾時一葉蘭舟畫橈鴉軋東流新市小橋西畔有
人長倚妝樓

木蘭花

羅襟粉汗和香浥纖指留痕紅一捻離亭再卜合歡期
尋見石榴雙翠葉危樓欲上危腸怯縱得鸞膠難寸
接西風燕子會來時好付小牋封淚帖

玉連環

一落索

別酒更添紅粉淚，促成愁醉相逢淺笑。合微吟撩惹到，纏絲地、花下解攜重附耳。佳期深記，青翰舟穩繡衾香，誰禁斷東流水。

惜奴嬌

玉立佳人韻不減，吳蘇小賦深情華年韶妙。疊鼓新歌，最能使江南調。縹緲似陽臺嬌雲弄曉。有客臨風夢後，擬池塘草，竟裝懷、愁多少。綠綺芳尊映花月，東山道正。要箇卿卿嫣然一笑。

驀山溪

畫橋流水宛是南州路。轉柁綠楊灣。恍然閒青樓舊處。

回腸斷盡猶賸爾多愁記新聲懷昵語依約對眉宇
韞羅香在祇欠蓮隨步無物比朝雲恨難續高唐後賦
迢遙此夜淚枕不成眠月侵窗燈映戶應見可憐許
琴調瑤池燕

瓊鉤褰幔秋風觀漫漫白雲聯度河漢長宵半華星爛
爛何時旦命閨人金徽重按商聲彈依稀廣陵清散
低眉歎危絃未斷腸先斷

西江月

攜手看花深徑扶肩待月斜廊臨分少佇已悵悵此段
不堪回想欲寄書如天遠難銷夜似年長小窗風雨
碎人腸更在孤舟枕上

攤破木蘭花

桂葉眉叢恨自成錦瑟絃調雙鳳和鳴釵梁玉勝挂蘭
纓簾影沈沈月墮參橫屏護文茵翠織成摘佩牽裾
燕樣腰輕清溪百曲可憐生大抵新歡此夜口情
點絳脣

十二層樓夢回縹緲非煙裏此情何寄賴爾荆江水
莫謂東君觸處逢桃李留深意溫柔鄉裏自有終焉計
訴衷情

不堪回首臥雲鄉羈宦負清狂年來鏡湖風月魚鳥兩
相忘秦塞險楚山蒼更斜陽畫橋流水曾見扁舟幾
度劉郎

二

半銷檀粉睡痕新
背鏡照櫻脣
臨風再歌團扇
深意屬何人
輕調笑淺凝顰
認情親
最難堪酒似不勝情
依樣傷春

怨三三

玉津春水如藍
宮柳毵毵
橋上東風側帽檐
記佳節約是重三
飛樓一二珠簾
恨不貯當年彩蟾
對夢日廉纖
愁隨芳草綠徧江南

醉春風

樓外屏山秀
凭闌新夢後
歸雲何許誤
心期候候到隴
梅花渡江桃葉
斷魂招手
楚製汗衫舊
啼妝曾枕

袖東陽詠罷不勝情瘦瘦瘦隋岸傷離渭城懷遠一枝
煙柳

憶秦娥

曉朦朧前溪百鳥啼
惻惻啼惻惻淩波人去拜月樓空
去年今日東門東
鮮妝輝映桃花紅
桃花紅吹開吹
落一任東風

二

風驚幙燈前細雨檐花落
檐花落玉臺清鏡淚淹妝薄
良時不再須行樂
王孫莫負東城約
東城約一分春
色爲君留著

三

著春衫玉鞭鞭馬南城南南城南柔條芳草留駐金銜
粉娥採葉供新蠶蠶飢略許攜纖纖攜纖纖前裙淇
上更待初三

四

三更月中庭恰照梨花雪梨花雪不勝淒斷杜鵑啼血
王孫何許音塵絕柔桑陌上吞聲別吞聲別隴頭流
水替人嗚咽

河滿子

每恨相逢薄處可憐欲去遲迴猶記新聲團扇口殷勤
再引餘杯爲問依依楊柳秋風好住章臺疏雨忽隨
雲斷斜陽卻送潮回桃葉青山長在眼幾時雙楫迎來

如待碧闌紅藥一年兩度花開

御街行

別東山

松門石路秋風掃似不許飛塵到雙攜纖手別煙蘿紅
粉清泉相照幾聲歌管正須陶寫翻作傷心調巖陰
暝色歸雲悄恨易失千金笑更逢何物可忘憂爲謝江
南芳草斷橋孤驛冷雲黃葉想見長安道

連理枝

繡幌閒眠曉處處聞啼鳥枕上無情斜風橫雨落花多
少想灞橋春色老於人恁江南夢杳往事今何道聊
詠池塘草懷縣年來蕭蕭壯髮可堪頻照賴醉鄉佳境

許徜徉惜歸歟不早

金鳳鉤

江南又歎流寓指芳物件人遲暮攪晴風絮弄寒煙雨
春去更無尋處石城樓觀靑霞舉想艇子寄誰容與
斷雲荆渚限潮湓浦不見莫愁歸路

芳洲泊

踏莎行

露葉棲螢風枝嫋鵲水堂離燕褰珠箔一聲橫玉吹流
雲厭厭涼月西南落江際吳邊山侵楚角蘭橈明夜
芳洲泊殷勤留語採香人清尊不負黃花約

水調歌頭

彼美吳姝唱緜會闔閭邦千坊萬井斜橋曲水小軒窗